

KIPATHUGENNA

Pa JH Gimmung and family, in Pathian gam nasepna, TBCD Sunday School classroom a zat ding in Air Cooler khat hon pia uhi. Hiai bang ltna thilpiak hon pia, Pa JH Gimmung leh a innkuan te tungah kipathu ka hon gen uhi.

Toupa'n Pa JH Gimmung leh a inkuante aleh tampi in vualzawl henla, Toupa'n a gam nasepna ah hiai thilpiak a manphatheipen a zat di'n vualzawl hen chih ka thumna uh ahi.

Secretary, TBCD.

Saptuam poimohte lak ah Kisangarh Pastor qtr adin Washing machine hon thoh Pa Khummuansang Guite & family, Bengali Colony, Mahavir Enclave leh Cooler BCD class room adia hon thoh Pa JH Gimmung Guite & family, HUDCO Place te tung ah kipathu igen ua, Toupa a leh tampi in hon vualzawlsak leh chih ingetsak uhi.

Saptuam sik le tangin
B&PMSC, EBCC Delhi

Let's Talk, Q & A

Tulai Khangthakte phutkhak lel thil tuamtuum dotnate, BIBLE pansana dawnna kicing piak lunggulhuuai sa in Lost & Found Ministry in i khua DELHI ah vaiguan khat nei uh.

Amun : Hotel Southgate, Greenpark

Ani & hun: April 27, 2019 (Kiginni) 03 - 06:00 PM

Dawngtu di heutute:

1. Rev Jeremy A. Dawson

2. Doupu Leivon

3. Sumrengchung Hmangte

Mimal & innkuan thumna a phawk in, hibang hun poimawh tel di'n le kithawi siausiau ni.

TABLE MINISTRY

Tuni singpi leh sangte Pa Thongkhanthang leh innkuan te'n a tapa nupi neihna toh kisai a Pathian leh saptuam mipite tung a kipathu genna a hon sponsor uh ahi. Maban a kalsuantouh zel na ding uah Toupa' vualzawlina leh a tapate' Nupa lohching hong hih uh i deihsak ahi. Pathang innkuante leh tate' Nupa, Toupan hon makaih in hon vualzawzel hen.

EBC CHURCH, PLOT NO. 16, POCKET 6, NASIRPUR, SEC.1A, DWARKA, NEW DELHI - 110045
pastor@ebccdelhi.org | www.ebccdelhi.org | 9811343689

NIPINI NAWN BIAKNA HUNZEK

April 28, 2019

11:00 AM : ZINGLAM BIAKNA KIKHOP

Biakna & Phatna : WT makaih in
Thilpiak latna : Upa T. Thianzakham
Special No. :
Thugenna : Pastor
Pemlaklutna : Secretary, TBSUC
Phatkhawmna : WT makaih in
Hunkhakna : Upa G Damsawmthang

02:00 PM SUNNUNG BIAKNA KIKHOP

> EBCC Central Delhi ah Thanksgiving Programe omding. Programme Details a nuai a bang ahi.

Amun : Christ Methodist Church, Butler Road, Tis Hazari

Ahun : 02:00 PM

Hun-uk : Upa Biakkhanmang
Biakna & Phatna : Worship Team makaih in
Thohlawm lan : Pastor Thuamminlian Guite
Special No. : BCD, EBCC-CD
Thugenna : Rev. S. Vungminthang, DM, EBCC HQ.

Special No. : i. BYF, EBCC-D,
ii. BYF, EBCC-CD

Phatna La : Worship Team makaih in
Hunkhakna : Pastor H. Thangchinkhup

Refreshments & Fellowship over a Cup of Tea

SEMINAR OMDING

Tarik 27-04-2019 (Kiginni) Chiang in 'PATHIAN POMTAK SAPTUAM KIPINA' chih thupi zang in seminar omding. Resource person Rev. S. Vungminthang, DM, EBCC HQ. hi ding hi. Tua ding a le chial ihi ua, saptuam mipite telchiat ding in iki ngen hi.

Amun: Parish Hall, Christ Methodist Church, Butler Road, Tis Hazari

Arrival & Welcome Tea : 10:00 AM - 10:30 AM

Opening Prayer : Pastor H. Thangchinkhup
Session-I : 10:30 AM - 12:30 PM - SEMINAR
Lunch Break : 12:30 PM - 1:30 PM
Session - II : 1:30 PM - 4:00 PM - SEMINAR
Closing Prayer : Upa K Tualzapau

Biakna Kikhop - NIPINI TENG
ZINGLAM DAK 11:00 AM
SUNNUNG DAK 2:00 PM

Laisiangthou Bulphuh

*Huchi'n, Khrist toh kaihthoh
khawm a na omtak ngal uh leh,
tunglam a Pathian taklam a tu
Khrist omna a thil omte tuh
zong un,
[Kolossate:3:1]*

PRAYER POINTS

> Tuni Nipini/ Easter Sunday hun hoih hon musak a, Amah be dia hon pikhawm Toupa min i phat ahi.
> Pastor Thuamminlian Guite Chandigarh saptuam veh a omlel, Programme manpha a zattheih ua, dam a hong tunkiknawn na din thumpih ni
> Damlou a omlelte leh a kemtute Pathian in damna leh thathak a piak nading in thumna ah phawk zel ni.
> Term thak 2019-2020 sung vaipaw ding a department tuamtuum apan seh/teel thak a omte Toupa' deihna bang a hong kizat theih ua, saptuam hatsaktu hong hihtheihna ding un thumpihni.
> Kalnawn Kiginni leh Nipini hun a EBCC CD in Programme zat dia a gelte uh Seminar leh ThanksGiving hun te manpha tak a zat ahihtheihna ding in Toupa khut a laan khe ni.
> Nipini nawn biakna hunseh kigelte manphatak a i zat theihna ding in Toupa khut hat ah kemsak ni

April 2019 USHER

Mipi Biakkhawmna hunte a Usher-te :
11:00 AM :
Mahavir Enclave Prayer Cell 1 & 2
02:00 PM :
BYF Committee



Tukha Thupi
Thilpiak A Nasep A Pathian
Pomtack Biak Piakna

For Private Circulation Only | April 21, 2019

TUNI BIAKNA HUNZEK**EASTER SUNDAY****11:00 AM : ZINGLAM BIAKNA KIKHOP**

Biakna & Phatna : WT makaih in
Thilpiak latna : Upa Khamkhanpau Guite
Special No. : i. TBDF ii. TBCD
Thugenna : Pastor
Special No. : Papi Lapawl
Phatkhawmna : WT makaih in
Hunkhakna : Upa Dr. B Langkham

Tea Fellowship - Singpi Dawn a Kithuahkhawmna

02:00 PM SUNNUNG BIAKNA KIKHOP

Biakna & Phatna: WT makaih in
Thilpiak latna : Upa Chinsum
Special No. : i. TBYF
ii. Rualthanlian Thomte

Thugenna : Pastor
Special No. : Lia Agatha
Phatkhawmna : WT makaih in
Hunkhakna : Upa T. Thianzakham

Tea Fellowship - Singpi Dawn a Kithuahkhawmna

BCD SUNDAY SCHOOL PROGRAMME

"PATHIAN" POMTAK BIAKNA" *Rome-te 12.1*

BCD Hall, 11:00hrs Nipini 3na

Pitu : Htn Chinglianmawi
Bible Sima thumna : Mary Luanthianching, Inter
Phatkhawmna : Lapite makaih in
Thugenna : Htp Upa H. Zabiak, SP, TBCD
Thilpiak Latna leh
Toupa Thumna : Htn Ngainunmawi

Pawl kikhenna omLou ding

April 2019 kha Ushers dingte : Htp Sonlal leh
Htn Mankhanning

Mipi Biakna Kikhopna ah BCD Music Club in Special number nei a, hiai hunseh zat zoh chianga Devotion pat hiding ahi.

KHRIST THOHNAWNA Tanchinhoih Bukimna leh Kingakna I Kor. 15:1-7

Muslim khat leh Christian khat a kihou uhi. Muslim mipa'n "Khristiante' neihlough khat ka nei uh. Medina a ka hoh Chiang un, Muhammad hankuang ka mu ua, tua in amah hiai leitung a na nungta ngei mah ahi chih hon chian. Himahleh Khristiante Jerusalem a na hoh Chiang un, bangmah na muh ding uh a omkei, han vuak lel ahi" chi'n chou hi. Khristian mipa'n "Thank you! na gen a dik mahmah. Tua mah ahi i kibatlouhna thupipen, hanvuak ka va muh ziak uh tuh, Amah (Jesu) a thohnawntak ziak ahi" chi'n dawng, a kichi hi. Hiai tangthu in gen a nei hi. Hanvuak in i Toupa sihna apan thounawn ahihna a gen hi. Halleuia! Amah a hing hi!

Ahi mah ahi, Khris Laisiangthou bangbang a i khelhnate jiaka A sihna, vui a omna, Laisiangthou bangbang a ni thum ni a kaihthoh a A omna tuh tanchinhoih bukim ahi (v3 &4). I Toupa khros a thukna leh sihna tuh tanchinhoih bukim ahi thei kei. Jesu' thohnawna lou a tanchinhoih bukim theihlouna Sawltak paul in chiantak in na gen hi. Khrist thounawnlou na hihleh –

I thugen (preaching) uh bangmah lou ahi ding (v14a): Khrist tanchinhoih gen a kizang saptuam leh mimalte' nasep bangmahlou hiding hi. Tanchinhoih gen a, missions nasepna pang a i kalsuanna khempeuh uh a mawka, manna bei hiding hi.

Ginna (faith) bangmah lou ahiding (v14b): Khristiante' kingakna leh, abik a protestant-te slogan thupi – "Sola Fidei" chi a, ginna kia hi, chi a nasep tellou hehpihna ziak a ginna a hotdamna i gengen a thawn hiding hi. Aziak bel, i Ginpa Jesu Khrist thounawnlou hileh, si hilailai ding a, khelhna a siden, omlailai kihiding hi.

Misite (Khrist a ihmute) mangthang hiding uh (v17b): Jesu thounawnlou a hankhuk a omden ahihleh, Khrist thohnawna gahmasa kichi zuau hiding a, Khrist a misite, i it leh ngaih paisate mangthang himai ding uh a, ei sih Chiang a zong mangthang kihileh ding hi.

Lametbei, mi hehpihwaipen i hiding uh (v18): Khrist thounawnlou ahihleh, lamet ding omlou hi. Sihna tuh a beina ahiding. Bangchizong teng in Pathian ading in kizang in, a deihlam hinkhua nei ding in kisuk mahle hang, i sih Chiang a beileh ding ahihman in, bangteng bangmah lou ahiding hi. Khovelmitte leh sahkho dangte toh kilamdanna himhim a omtuankei ding hi.

Himahleh, i Toupa Jesu Khrist thounawn taktak ahi, chih Chiangtak in Lai Siangthou in gen hi. Bangchibang in a gen ale – (Mathai' gen bang in)

Hanvuak (Empty Tomb): Tua thohnawna zingsang in, Mari of Magdala & Mari dang in, a mit mahmah un va mu ua, vansawltak inleng, "Amah hiai a omlou, a gen bang a thounawnta ahi, a lupna leng en mah un" chi'n amaute lau lou ding khamuan hi.

Hanveng Sepaihte'n thei uh: Pharisaite leh Siampi makaite'n Jesu luang a gukhiak ding uh paulan in, Pilat phalna in sepaihte hankhuk vengsak uhi. Han kongkhak leng belhchip uhi. Himahleh Jesu' thohnawna zing a zinling leh vansawltak nasepte nangzou lou in, lau lua in sibup hial uhi. A thohnawna gingtalou leh a haan vengtute'n a thohnawna chian masapen uhi. Tua thu khopi sung a siampi makaite kiang a va tu Chiang un, amaute'n sum tampi a golhgu in, a kamhum uhi. Amaute'n "zan a ka ihmud kal un, a nungzuite'n gumang uh" chi un, a chilai uhi. Hiaite tuh Khrist thohnawna chiansaktute a hidaihi mai uhi.

Mi tampite kiang ah a kilak: Khatna ah, Kifa (Peter) kiang ah – v5; Mark 16:7; Lk. 24:34; Numeite kiang ah – Mari Magdalene (Mk. 16:9; John 20:1-2, 14), Numei dangte (Mk. 16:1-8; Lk. 24:1-11); Emau lampi a mi nihte kiang ah (Luke 24:13-35); Nungzui 10 te kiang ah (Lk. 24:36-49; Jn. 20:19-23) Thoma kiang ah (John 20:26-31); Nungzui dang 500 sang a tamzawte kiang ah kilak, a tamzaw damlai (I Kor. 15:6) Jakob (James) kiang ah (v7; Mk 6:3-4; John 7:5; Acts 15:13,19-20) Sawltakteng kiang ah leh Sawltak Paul kiang ah (I Kor. 15:8,9).

Khovel pilna (philosophy) leh telsuisianna (science & technology) chituamtuamte'n a dou theihlough leh a nial theihlough tuh hiai bang mimal testimony – thiltung mit a mu a za leh khoihkhate theihpihna ahi. Thounawn Jesu a nungzuite kiang ah ni 40 sung mahmah kilak in, a nungzuite'n a mu ua, a za ua, a lawng uhi. Kua'n hiai diklou leh zuau a

Editorial Gutzopna.....

chithei dia? Khat kia kiang a kilak hileh bel, zuau a ngoh theih ahi. Himahleh, mi 500 valte'n mu leh theichian ua, Paul in Korin laikhak a gelh lai nangawn a damlai tampi om ahihleh, kua'n hiai diklou chithei ding hia? Tuni'n, pilna leh theihna a Jesu thohnawna khovel theih a na chetsawm lai in, nang leh kei' hinkhua in a chet kei leh, a lohsam i hivey ding.

Huaiziak in, Jesu Khrist tuh a thounawn taktak ahi. A thohnawna ziak in, tanchinhoih bukim i neita. I saptuam' thugin bulpi leh kingakna ahita. Hiai Khrist thohnawna tanchinhoih in Khrist min a saptuam sung leh pua a ikizatna khempeuh a thawnlou ahihdan hon theisak a, tangtawn lametna hing hon neisak in, sihna tung a vualtunguangte' sang a tungtuang zaw in hon bawl hi.

BAPTIST DORCAS FELLOWSHIP, EBCC DELHI SILVER JUBILEE LOPNA

EBCC Delhi saptuam adia kahiang poimoh tak, saptuam a numei te kipawlkhawmna, kimakaihna leh ki-etkolna Baptist Dorcas Fellowship (BDF) kiputkhiaik nung kum 25 chinna chiamteh leh lopna ding "BDF Delhi Silver Jubilee" chi a minloh ahi. BDF vaipaw dia telching a om masa pen te'n Apaisa March 19, 1994 ni a Office Bearer akibawl ni ua pat simtough in March 19, 2019 in kum 25 mel muta hi. Lemtang zaw etna in, Jubilee lop ni ding' tukum Dorcas Day / Nute Ni toh kizom geih thei ding in, May 11 (Kiginni) pen Jubilee lopni ding in kitel hi.

1. ANI, HUN LEH A MUN: May 11 2019 (Kiginni) in Jubilee Celebration Programme pen Saptuam Biakinn mun ah Worship Service (Session I & II) neih dia gel ahi. A ni nawn May 12, 2019 (Pathianni) pen Dorcas Day lopna hingal ding hi.

2. A THUPI & TUP - LE - NGIM: Hiai BDF Silver Jubilee Thupi ding in, "Thilpiak leh Nasephoih a Biakna" (Nasepte 9:36 - 41) chih kitelkhia hi. Hiai thupi in a tup golpi nihte ahihleh -

> BDF Delhi in "Thilpiak leh Nasephoih a Biakna" tungtawn a Toupa Jesu Kris min a nasepna a kalsuanna kum 25 Chiang pitu' Tangtawn Pathian' kiang a kipah thugenna, Amah biakna, phatna, thupina piakna leh;

> Thilpiak leh Nasep hoih a Biakna a ki makaih tuah zel a, maban a Pathian gam nasepna dia kihanthawn tuah ding leh ki su haat tuah ding.

3. THUGEN PI DING: Hiai hun a Pathian thutak, "Jubilee Thu vaikhah" gen a hon sinsak ding in Heutulian Rev. G. Paukhanmang, General Secretary, EBCC Hdqtrs. hiding ahi. Huaibanah Dorca Makai masa te'n leng tua ni programme ah hun hong zang ding uh hi.

4. PROGRAMME ITEMS & KISAKKHOLHNA: Silver Jubilee zatna a item poimoh tampite' lak ah poimoh diakte tuh - Jubilee Praise and Worship, Jubilee Thu vaikhah, Jubilee Lapawl, Pahtakna hun, Jubilee Special Items chih te ahi uh. Toupa kiangah thumna toh kisak khol na kipan ta hi.

5. GAHSUAH DIA LAMET TE:

i. Pathian leh A Tapa Jesu Khrist tawisang a om a, Saptuam a Numei te adia Khrist nungzuihna lam chiteng khanna, pichinna leh gahsuaahna.

ii. Numei te lakah Khrist sung a khat-le-khat ki-ittuahna a khan sem a, kizopna chidam nei a kipumkhatsemna om na ding in.

iii. Numei ten Jesu Khrist a hinna kichian nei a, thilpiak leh nasephoih semkhe ding a tha thak lakna.

"Aman thilhih hoih leh gentheite panpihna in a hun teng teng azang hi." Nasepte 9:36

JOINT FELLOWSHIP OM

Apaita April 19, 2019 (Sintawpni) Good Friday Programme zoh ahihning in BYF Committee leh Area Coordinators' ten tu term thak a, a khatvei na ding in Joint Fellowship nei uhi. Hiai hun a BYF Committee ten term thak a Area chih a Coordinators len dingte kipahpihna leh Appointment briefing nei uh a Pastor Biakson in thumsakna nei hi. Hiai hun ah Pastor in 'Servant Leadership' leh Upa L. Ngulminthang, Chairman, TBSUC in 'Building Interpersonal Relationships' chih thupite' zang in tuailaite hasotna/thapiakna neituak uhi. Fellowship zoh in Annkuang sawk khawmna nei uhi.

LAZILNA OMDING

Tuni Zinglam kikhoptawp phet Chiang in TBDF in Biakinn Basement ah Jubilee a ding lapawl zilna a nei ding, kuapeuh mah nute telchiat ding in iki ngen in iki zasak ahi.

Music Dept, TBDF

Tuni suannung kikhoptawp phet Chiang in BYF LAPAWL zilna om ding. EBCC Central Delhi' Thanksgiving Day (April 28) a sak ding ahi. Tuailaite a tamtheilam paikhawm ding a chial leh theisak i hi.

Music Dept, TBDF